



**საჯარო სამართლის იურიდიული პირი  
სოციალური მომსახურების სააგენტო  
ბ რ ძ ა ნ ე ბ ა**



KA030445220241619

№ 04-185/თ

22 / იანვარი / 2019 წ.

**ჰემოდიალიზით და პერიტონეული დიალიზით უზრუნველყოფის კომპონენტების ფარგლებში მომლოდინე პაციენტთა რეესტრის წარმოების და მოსარგებლეთა მოძრაობის წესის დამტკიცების შესახებ**

„2019 წლის ჯანმრთელობის დაცვის სახელმწიფო პროგრამების დამტკიცების შესახებ“ საქართველოს მთავრობის 2018 წლის 31 დეკემბრის N693 დადგენილებით დამტკიცებული „დიალიზის და თირკმლის ტრანსპლანტაციის“ სახელმწიფო პროგრამის (დანართი 14) მე-9 მუხლის მე-3 პუნქტის შესაბამისად, საქართველოს ზოგადი ადმინისტრაციული კოდექსის 52-ე, 53-ე, 61-ე მუხლებისა და საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის სამინისტროს 2019 წლის 22 იანვრის N01/927 (N04/40; 03.01.2019წ.) წერილის გათვალისწინებით, საქართველოს შრომის, ჯანმრთელობისა და სოციალური დაცვის მინისტრის 2018 წლის 3 ოქტომბრის N01-14/ნ ბრძანებით დამტკიცებული „საჯარო სამართლის იურიდიული პირის – სოციალური მომსახურების სააგენტოს დებულების“ მე-4 მუხლის საფუძველზე,

**ვ ბ რ ძ ა ნ ე ბ ე :**

**1. დამტკიცდეს:**

- ა) ჰემოდიალიზით და პერიტონეული დიალიზით უზრუნველყოფის კომპონენტების ფარგლებში მომლოდინე პაციენტთა რეესტრის წარმოების და მოსარგებლეთა მოძრაობის წესი **(დანართი N1);**
- ბ) ჰემოდიალიზის მომლოდინეთა რეესტრის ფორმა **(დანართი N2);**
- გ) დიალიზით (ჰემოდიალიზი ან პერიტონეული დიალიზი) მოსარგებლეთა რეესტრის ფორმა **(დანართი N3);**
- დ) დიალიზის (ჰემოდიალიზი ან პერიტონეული დიალიზი) მიმწოდებლის ტექნიკური რესურსის რეესტრის ფორმა **(დანართი N4);**
- ე) დიალიზის (ჰემოდიალიზი ან პერიტონეული დიალიზი) პროგრამაში მონაწილეობის მსურველი პირის განცხადების ფორმა **(დანართი N5);**

**2. დაევალოს სსიპ-სოციალური მომსახურების სააგენტოს ჯანმრთელობის დაცვის პროგრამების დეპარტამენტს (კ. ჩხარტიშვილი):**

ა) ჰემოდიალიზის მომლოდინეთა რეესტრის (დანართი N2) წარმოება და შემოტანილი განცხადებების თარიღის მიხედვით, რეესტრის მუდმივი განახლება, პაციენტის ან ნებისმიერი დაინტერესებული პირის მიერ სააგენტოში წარმოდგენილი პროგრამის მიმწოდებელი სამედიცინო დაწესებულების მიერ გაცემული ფორმა NIV-100/ა, პირადობის დამადასტურებელი დოკუმენტის (ან დაბადების მოწმობის) ქსეროასლისა (როგორც განმცხადებლის, ისე დიალიზის მიმღები პირის, თუ განცხადება შემოაქვს დაინტერესებულ პირს) და განცხადების (დანართი N5) საფუძველზე;

ბ) დიალიზით მოსარგებლეთა რეესტრის (დანართი N3) წარმოება და რეესტრის მუდმივი განახლება შესაბამისი მომსახურების მიმწოდებელი დაწესებულების მიერ სააგენტოდან მიღებული წერილობითი შეტყობინების საფუძველზე, ბენეფიციარისათვის პროგრამული სერვისების მიწოდების დაწყების თარიღის მიხედვით, რომელიც ფიქსირდება მიმწოდებლის მიერ „დიალიზის შეტყობინებისა და მართვის მოდულში“ ბენეფიციარის დიალიზში ჩართვის თაობაზე ვაკეთებული შეტყობინების სახით;

გ)შესაბამისი მომსახურების მიმწოდებელ დაწესებულებებში არსებული ტექნიკური რესურსის რეესტრის (დანართი N4) წარმოება, მიმწოდებლის მიერ სააგენტოში წარმოდგენილი, არსებული ტექნიკური რესურსის და მასში ნებისმიერი ცვლილების შესახებ ინფორმაციის შესაბამისად;

დ) ამ პუნქტის „გ“ ქვეპუნქტით გათვალისწინებული ვალდებულების უზრუნველყოფის მიზნით, სახელმწიფო პროგრამაში მონაწილე მიმწოდებლებსა და სააგენტოს შორის ინფორმაციის გაცვლა, წერილობითი მიმოწერის გზით;

ე) საჭირო ქმედებების გატარება, წინამდებარე ბრძანებით გათვალისწინებული ღონისძიებების დროულად და ჯეროვნად შესრულების მიზნით. აგრეთვე, წინამდებარე ბრძანებისა და ამ ბრძანებაში შეტანილი ნებისმიერი ცვლილებ(ებ)ის გაცნობა მიმწოდებლებისათვის.

3. სააგენტოს დირექტორის აპარატმა (ნ. ჩანადირი) და ტერიტორიული ერთეულების (სოციალური მომსახურების სამხარეო ცენტრები, აჭარის ავტონომიური რესპუბლიკის ფილიალი) უფროსებმა უზრუნველყონ:

ა) დიალიზის (ჰემოდიალიზი ან პერიტონეული დიალიზი) მიღების სურვილის მქონე პირის ან მისი წარმომადგენლისათვის დახმარების აღმოჩენა ამ ბრძანებით დამტკიცებული ფორმის განცხადების (დანართი N5) შევსებაში;

ბ) საჭირო დოკუმენტების (ფორმა NIV-100/ა, პირადობის დამადასტურებელი დოკუმენტის/დაბადების მოწმობის ქსეროასლი) მიღება;

გ) მოქალაქეთა ინფორმირება პროგრამით სარგებლობის საკითხებთან დაკავშირებით.

4. ამ ბრძანების შესაბამისად მიღებული განცხადება (დანართი N5) და საჭირო დოკუმენტები (ფორმა NIV-100/ა, პირადობის დამადასტურებელი დოკუმენტის/დაბადების მოწმობის ქსეროასლი) დაუყოვნებლივ (განცხადების მიღების დღესვე), დოკუმენტბრუნვის ელექტრონული სისტემის საშუალებით, უნდა გადაეგზავნოს ჯანმრთელობის დაცვის პროგრამების დეპარტამენტს.

5. ძალადაკარგულად გამოცხადდეს „ჰემოდიალიზით და პერიტონეული დიალიზით უზრუნველყოფის კომპონენტების ფარგლებში მომლოდინე პაციენტთა რეესტრის წარმოების და მოსარგებლეთა მოძრაობის წესის დამტკიცების შესახებ“ სსიპ-სოციალური მომსახურების სააგენტოს 2018 წლის 16 იანვრის № 04-45/ო ბრძანება.

6. ამ ბრძანების ამოქმედებამდე ფორმირებული დიალიზის მომლოდინე პაციენტთა რეესტრის წარმოება გაგრძელდეს მასში „დიალიზი და თირკმლის ტრანსპლანტაციის“ 2019 წლის სახელმწიფო პროგრამით მომლოდინე პაციენტთა უწყვეტი ჩართვით (შესაბამისი რიგითობით).


7. ამ ბრძანების ამოქმედებამდე მიღებულ განცხადებებს შეუნარჩუნდეთ ძალა, წინამდებარე ბრძანების ფარგლებში რეაგირებისათვის.

8. ბრძანების შესრულების კოორდინაცია უზრუნველყოს სააგენტოს ჯანმრთელობის დაცვის პროგრამების დეპარტამენტმა (კ. ჩხარტიშვილი).

9. სააგენტოს დირექტორის აპარატმა (ნ. ჩანადირი) უზრუნველყოს ამ ბრძანების და მისი დანართების განთავსება სააგენტოს ოფიციალურ ვებ-გვერდზე ([www.ssa.gov.ge](http://www.ssa.gov.ge)).

10. ბრძანება ძალაშია ხელმოწერისთანავე.

სსიპ – სოციალური მომსახურების სააგენტოს დირექტორის მოვალეობის შემსრულებელი

ხელმოწერილია/  
შტამგვანსულია  
ელემენტარულად 

თამაზ მოდებაძე

## ჰემოდიალიზისა და პერიტონეული დიალიზის კომპონენტების ფარგლებში მომლოდინე პაციენტთა რეესტრის წარმოების და მოსარგებლეთა მოძრაობის წესი

1.წინამდებარე წესი შემუშავებულია „2019 წლის ჯანმრთელობის დაცვის სახელმწიფო პროგრამების დამტკიცების შესახებ“ საქართველოს მთავრობის 2018 წლის 31 დეკემბრის №693 დადგენილების გათვალისწინებით და განსაზღვრავს „დიალიზის და თირკმლის ტრანსპლანტაციის“ სახელმწიფო პროგრამის (ჰემოდიალიზით, პერიტონეული დიალიზით მომსახურება) ფარგლებში, მომლოდინე პაციენტთა რეესტრის წარმოებისა და დიალიზით მოსარგებლეთა მოძრაობის საკითხებს.

2.თანხმობის წერილი გაიცემა სააგენტოში მოქალაქის განცხადების რეგისტრაციიდან (მიღებიდან) არა უგვიანეს 10 სამუშაო დღისა.

3.თანხმობის წერილის საფუძველზე, შესაბამისი სამედიცინო მომსახურების მისაღებად, პროგრამაში მონაწილე მიმწოდებელ დაწესებულებაში მკურნალობის დაწყება უნდა განხორციელდეს თანხმობის წერილის გაცემიდან არაუგვიანეს 15 კალენდარული დღისა. წინააღმდეგ შემთხვევაში, თანხმობის წერილი ჩაითვლება ძალადაკარგულად და შესაბამისად, მის საფუძველზე მიმწოდებლის მიერ გაწეული სამედიცინო მომსახურების ხარჯები არ ანაზღაურდება.

4.მიმწოდებელთან თავისუფალი ტექნიკური რესურსის წარმოქმნის შემთხვევაში, დიალიზის მომლოდინეთა/მოსარგებლეთა რეესტრიდან ბენეფიციარები დაკმაყოფილდებიან მომართვის თარიღის შესაბამისი რიგითობის დაცვით. ბენეფიციარს განცხადებაში მონიშნულ მისთვის პრიორიტეტულ მიმწოდებელთან თავისუფალი რესურსის გამოჩენის შესახებ ეცნობება წერილობით. თუ იგი 10 სამუშაო დღის განმავლობაში არ მიმართავს მის მიერ მონიშნულ დაწესებულებას, ავტომატურად რჩება იმ მიმწოდებელთან, სადაც იყო რეგისტრირებული, ხოლო რიგის შენარჩუნების თაობაზე სააგენტოს (ცენტრალური აპარატი და ტერიტორიული ერთეულები) მიმართავს განცხადებით, მომდევნო ათი სამუშაო დღის ვადაში. წინააღმდეგ შემთხვევაში, კარგავს რიგს (პროცესის ოპერატიულობის მიზნით, ბენეფიციარის ინფორმირება ხდება სატელეფონო კავშირის საშუალებითაც).

5. ბენეფიციარის მიერ განცხადებაში მონიშნული პრიორიტეტული მიმწოდებლებიდან, ერთ-ერთში დიალიზის ჩატარების მოთხოვნის დაკმაყოფილების შემთხვევაში, რიგით შემდგომ პრიორიტეტულ დაწესებულებებში იგი იხსნება მომლოდინეთა რიგიდან. ამასთან, ბენეფიციარი მომლოდინეთა რიგში რჩება მხოლოდ იმ დაწესებულებაში, რომელიც მის განცხადებაში პრიორიტეტულობით უფრო წინ დგას, ვიდრე უკვე დაკმაყოფილებული მოთხოვნა (პრიორიტეტული მიმწოდებელი).

6. მოქალაქეთა დაკმაყოფილება რიგითობის დაუცველად შესაძლებელია, თუ:

6.1. მოლოდინის პერიოდის განმავლობაში, ტექნიკური რესურსი გათავისუფლდება იმ მიმწოდებელთან, რომელიც რიგის მიხედვით დასაკმაყოფილებელი განმცხადებლის მიერ არ არის აღნიშნული განცხადებაში, როგორც გეოგრაფიულად ხელმისაწვდომი. ამ შემთხვევაში, პირს უნარჩუნდება რიგი, ხოლო გამოთავისუფლებული რესურსის მიხედვით, დაკმაყოფილება რიგით შემდეგი მოქალაქე, რომლისთვისაც ხელმისაწვდომია ტექნიკური რესურსი;

6.2. მოლოდინის პერიოდის განმავლობაში ჰემოდიალიზის გადავადება პაციენტის სიცოცხლეს უქმნის საფრთხეს, ხელოვნური თირკმლის აპარატთან მიერთება უნდა ხდებოდეს შეუფერხებლად, ამასთან, მიმწოდებელი ვალდებულია, აღნიშნულის შესახებ გააკეთოს შეტყობინება, „2019 წლის ჯანმრთელობის დაცვის სახელმწიფო პროგრამების დამტკიცების შესახებ“ საქართველოს მთავრობის 2018 წლის 31 დეკემბრის N693 დადგენილების შესაბამისად, ასევე, ვალდებულია გადაუდებელი სეანსებით მომსახურების დასრულებიდან არაუგვიანეს მომდევნო სამი სამუშაო დღისა, წერილთან ერთად, წარმოადგინოს მოსარგებლის ფორმა NIV-100/ა, რიგითობის გარეშე პროგრამაში ჩართვის დამადასტურებელი გარემოების მითითებით. ამასთან, თუ აღნიშნულ დაწესებულებაში არსებობს თავისუფალი ტექნიკური რესურსი, ბენეფიციარის სურვილის გათვალისწინებით, აღნიშნულ დაწესებულებაში პროგრამულ დიალიზზე ჩართვა ხდება ზემოაღნიშნული დოკუმენტების გათვალისწინებით, ავტომატურად.

7. თუ პროგრამის მოსარგებლე 15 კალენდარული დღის განმავლობაში არ მიმართავს პროგრამული დიალიზის მიმწოდებელ სამედიცინო დაწესებულებებს შესაბამისი სერვისების მისაღებად, იგი ავტომატურად მოიხსნება როგორც მოსარგებლეთა, ისე მომლოდინეთა რეესტრიდან (დანართი N2, დანართ N3). ასეთ

შემთხვევაში, პირის მომლოდინეთა რეესტრში განმეორებით დარეგისტრირება განხორციელდება საერთო წესის შესაბამისად.

**8.** პროგრამულ დიალიზში ჩართულ პაციენტს სხვადასხვა გარემოებების (დასასვენებლად ან საჭიროების მიხედვით სხვა ქალაქში, რაიონში გადაადგილების) გათვალისწინებით, უფლება აქვს, წლის განმავლობაში პროგრამული სერვისების სხვა მიმწოდებელთან (არაძირითადი მიმწოდებელი) ჩაიტაროს არა უმეტეს 26 სეანსისა. ამასთან, მიმწოდებლებმა უნდა უზრუნველყონ აღნიშნული ინფორმაციის მიწოდება მათთან აღრიცხვაზე მყოფი ბენეფიციარებისათვის. ასევე, აღნიშნული მოთხოვნების დაცვის მიზნით, პროგრამის არაძირითადი მიმწოდებელი ვალდებულია, ძირითად მიმწოდებელს, სადაც დარეგისტრირებულია ბენეფიციარი, მიაწოდოს ინფორმაცია მათთან აღრიცხვაზე მყოფი ბენეფიციარისათვის მომსახურების მიწოდების თაობაზე (ჩატარებული სეანსების რაოდენობის მითითებით), ასევე ძირითადი მიმწოდებლისგან მიიღოს ინფორმაცია აღნიშნულ ბენეფიციარზე სხვა არაძირითად მიმწოდებელთან ჩატარებული სეანსების თაობაზე და მიაწოდოს ინფორმაცია ბენეფიციარს, თუ რამდენი სეანსის ჩატარების უფლება დარჩა პროგრამულად არაძირითად მიმწოდებელთან.

**9.** ამ წესის მე-8 პუნქტით გათვალისწინებული არაძირითად მიმწოდებელთან ჩასატარებელი/ჩატარებული სეანსების რაოდენობა შესაძლებელია გაიზარდოს ბენეფიციარის წერილობითი მომართვის გათვალისწინებით, სააგენტოს ხელმძღვანელობის გადაწყვეტილებით.

**10.** მიმწოდებელი ვალდებულია, გააკეთოს შეტყობინება ახლად გამოვლენილი პაციენტის შესახებ „დიალიზის შეტყობინებისა და მართვის მოდულში“ არა უგვიანეს 24 საათისა. მიმწოდებელი ვალდებულია, აღნიშნულ მოდულში გააკეთოს შეტყობინება ჰემოდიალიზის ყველა სეანსის შესახებ, სეანსის დაწყებიდან არა უგვიანეს 72 საათისა. შესაბამისად, ანგარიშგება მოხდება წარმოდგენილ შესრულებულ სამუშაოსა და „დიალიზის შეტყობინებისა და მართვის მოდულში“ ასახული ინფორმაციის შესაბამისობის საფუძველზე. თუ ანგარიშგებისას წარმოდგენილი დიალიზის სეანსების რაოდენობა არ ემთხვევა მოდულში ასახულს, ასეთი სეანსების ღირებულება არ ანაზღაურდება.





\_\_\_\_\_ დიალიზის მიმწოდებლის ტექნიკური რესურსის რეესტრი

(პემოდიალიზი ან პერიტონეული დიალიზი)

№	მიმწოდებელი	რეგიონი	მისმართი	წერილის შემოსვლის თარიღი	წერილის N	ტექნიკური რესურსის რაოდენობა	შენიშვნა



საკონტაქტო ტელეფონი  
**დიალიზის (ჰემოდიალიზი ან პერიტონეული) პროგრამაში მონაწილეობის მსურველი პირის  
განცხადება**

მხოლოდ იმ მიმწოდებელთან, რომელიც ჩემს მიერ არის მონიშნული და ჩემთვის გეოგრაფიულად ხელმისაწვდომია.

N	მიმწოდებლის დასახელება	მისამართი	მონიშვნა <sup>1</sup>
1	სს „ევექსის ჰოსპიტლები“ -ზუგდიდის რეფერალური ჰოსპიტალი	ზუგდიდი, გამსახურდიას ქ. N206	
2	შპს „ალ. წულუკიძის სახ. უროლოგიის ეროვნული ცენტრი“	თბილისი, წინანდლის ქ. N27	
3	სს „კ. ერისთავის სახ. ექსპერიმენტული და კლინიკური ქირურგიის ეროვნული ცენტრი“	თბილისი, ჩაჩავას ქ. N5	
4	სსიპ გიორგი აბრამიშვილის სახელობის „საქართველოს თავდაცვის სამინისტროს სამხედრო ჰოსპიტალი“	გორი, ჭავჭავაძის ქ. N56	
5	შპს „ა.კ. ნ. ყიფშიძის სახ. ცენტრ. საუნივერსიტეტო კლინიკა“	თბილისი, ვაჟა-ფშაველას ქ. N29	
6	შპს „მეტაკო“ (ქუთაისის ფილიალი)	ქუთაისი, გალაქტიონ ტაბიძის ქ. N72 <sup>ე</sup>	
7	შპს „მეტაკო“ (ოზურგეთის ფილიალი)	ოზურგეთი, დ. ერისთავის ქ. N21	
8	შპს „წმინდა პანტელეიმონ მკურნალის სახელობის კლინიკა“	ბორჯომი, ვაშლოვანის ქ. N4 ( სოფ. ყვიბისი)	
9	შპს „ვია-ვიტა“	თბილისი, ლუბლიანას ქ. N2/6	
10	შპს „ვია-ვიტა“ (ბათუმის ფილიალი)	ბათუმი, ტბეთის ქ. N 5.	
11	შპს „ვია ვიტა“ (ზესტაფონის ფილიალი)	ზესტაფონი, ასლანკაშვილის სანაპირო	
12	ა(ა)იპ „ფრანგული სამედიცინო ცენტრი კახეთი-იონი“	გურჯაანი, ი. ნონეშვილის ქ. N13	
13	შპს „ჰაიმედი“	რუსთავი, მე-7 მიკრორაიონი	
14	შპს „მად ი მედი“	მარნეული, 26 მაისის ქ. N80	
15	შპს „ქ. ბათუმის რესპუბლიკური კლინიკური საავადმყოფო“	ბათუმი, ტბელ აბუსერიძის ქ. N2	
16	სს „ევექსის ჰოსპიტლები“ -ქობულეთის რეფერალური ჰოსპიტალი	ქობულეთი, მ. აბაშიძის ქ. N18	
17	შპს „რეფერალური დახმარების ცენტრი“	თბილისი, ლუბლიანას ქ. N18/20	
18	შპს „რეფერალური დახმარების ცენტრი“ (ხაშურის ფილიალი)	ქ. ხაშური, რუსთაველის ქ. N38	
19	შპს „ნეფროლოგიის განვითარების კლინიკური ცენტრი“	თბილისი, წინანდლის ქ. N9	
20	შპს „ ბათუმის დიალიზისა და ნეფროლოგიის ცენტრი“	ბათუმი, პუშკინის ქ. N118	
21	შპს "ნეფროლოგიის და დიალიზის კლინიკა"	სამტრედია, ჭანტურიას ქ. N53	
22	სს „ევექსის ჰოსპიტლები“ -ონკოლოგიის ცენტრი	ქუთაისი, ჯავახიშვილის ქ. N85	
23	შპს „ვია-ვიტა“ (თემქის ფილიალი)	თბილისი, თემქის მე-11 მ/რ, I კვარტ. (მე-5 კლინიკური საავადმყოფოს შენობა)	
24	სს „ევექსის ჰოსპიტლები“ -თელავის რეფერალური ჰოსპიტალი	თელავი, სეხნიაშვილის ქ. N1	
25	სს „ევექსის ჰოსპიტლები“ -ბოკერიას სახელობის რეფერალური ჰოსპიტალი	თბილისი, ქინძმარაულის I შესახვევი N1	
26	სს „ევექსის ჰოსპიტლები“ -ახალციხის რეფერალური ჰოსპიტალი	ქ. ახალციხე, რუსთაველის ქ. N105 „ა“	
27	შპს „წმინდა პანტელეიმონ მკურნალის სახელობის კლინიკა“	ქ. ახალციხე, ახალქალაქის გზატკეცილი, ყოფილი ტყე-სანერგის ტერიტორია	
28	სს „საჩხერის რაიონული საავადმყოფო-პოლიკლინიკური გაერთიანება“	ქ. საჩხერე, ივ. გომარათელის ქ. N17	

ჩემი ხელმოწერით აგრეთვე ვადასტურებ, რომ ვიცნობ პროგრამით სარგებლობის პირობებს:

- ✓ მონიშვნა ხორციელდება პრიორიტეტულობის მიხედვით, არაუმეტეს 3 (სამი) მიმწოდებლისა;
- ✓ მომლოდინეთა რიგში ბენეფიციარის შემდეგ მყოფი პირის მოთხოვნა შესაძლებელია დაკმაყოფილდეს უფრო ადრე იმ მიმწოდებელთან რომელიც არ არის მონიშნული;
- ✓ დიალიზის ჩატარების მოთხოვნის დაკმაყოფილების შემთხვევაში, ბენეფიციარი იხსნება ამ და რიგით შემდგომი პრიორიტეტული მიმწოდებლის მომლოდინეთა რიგიდან; მაგრამ, ამავე დროს ინარჩუნებს პრიორიტეტულობით უფრო წინ მდგომ მიმწოდებელთან მომლოდინეთა რიგს.

**ზემოაღნიშნულს ვადასტურებ ხელმოწერით**

/ ხელმოწერა/ /თარიღი/

<sup>1</sup>ამ გრაფაში მონიშნება განმცხადებლისათვის სასურველი მიმწოდებელი, პრიორიტეტულობის მიხედვით (1, 2, 3), არაუმეტეს სამი მიმწოდებლისა.